

教育

十八

正月

師大學堂暨與沿江新設者詳加講論洞明得失奴才敦促早開省學並商榷各屬辦法方旭等咸謂師範不造中小學終無教習蒙養不立諸學科級難以躡等而進現擬就省城高等學堂附設師範館通檄州邑集資選士往習日本速成科以明教授之法並設啓蒙講習所恪守欽定章程分年籌辦總期鄉僻嚮風奮躍官私蒙塾繫興植之基而探其本雖曰急效難收而胡峻方旭之於興學均爲川省之冠塗轍旣無歧誤定與粉飾因循者大有間矣合將辦理大概附片具 奏仰慰 宸廑伏乞 聖鑒訓示謹 奏

四川學政吳奏設立學堂以備遊學而廣師範摺

奏爲設立學堂以備遊學而廣師範恭摺仰祈 聖鑒事竊臣於光緒二十八年奏請選派舉貢生員出洋遊學並酌籌經費事宜一摺奉 旨允准在案臣試竣回省細籌辦法竊思遊學之舉以儲師範則選士爲先然考試但憑文字結保亦屬空言不如先設學堂肄習洋文學期以內可徐察其性質以爲選派之地查省城原有中西學堂附設算學館今學生已歸併高等學堂春間臣商准前署督臣岑春煊將空廢房屋撥歸臣衙門收管因就舊時講舍設立東文學堂延聘教習考選舉貢生監六十名於十月間開學俟學生卒業選其學行兼優者咨送出洋此爲郡邑學堂急求師範之計故程度無取其過高期限不能不稍迫惟

臣原奏之所未及既經籌改完備餘亦略應變通以期妥協至遊學經費臣會同督臣札屬在津捐餘款等項內籌提歲有一萬九千餘金學田項下勻計歲有五千餘金所有學堂常年經費卽在此內開支餘款積存鹽庫以備咨送學生赴東遊學並遵 旨續行派往西洋各國講求專門學業此項經費目前似覺寬餘異日尙不敷分布應請專款存儲無論地方何項公用不得通融借撥如州縣報解延緩由學臣隨時會商督臣札飭催提以符 奏案且爲培才經久之計除將詳細章程咨呈外務部察核存案外合併陳明所有開辦學堂以備遊學並籌定經費緣由謹專摺具陳伏乞

皇太后 皇上聖鑒謹 奏

學校司覆核大學堂學生何鳳華等稟試辦字母詳文并批

爲詳覆事光緒二十九年十一月二十一日奉 憲台札飭據大學堂學生何鳳華等稟請將官話字母一書在保定各軍營暨蒙養半日各學堂內暫爲試辦等情除批稟悉國民普及教育必由語言一致而成爲東西各國之通例該學生等所呈官話合聲字母以反切合音之法包括一切語文與吾國古時文字單簡假借同音之例初不相背果能通行無阻誠如日本伊澤氏所謂簡要器具者惟人情可與樂成難於慮始高明者狃於典雅之文而嘗爲無用愚蠢者本無普通之識而駭爲創聞必先引其端倪而後可收成效姑候行學校司

教育

十九

甲辰